

諸經要集序

大唐西明寺沙門道世玄惲撰

原夫法身一相瞻仰異容正教無偏說聽殊旨故師有等兩之況弟子有異聞之說良以隨機授與逐器淺深至如十二分教之大綱八万法門之廣流龍宮西蓄未盡怒林之知

可

一

象駕東馳豈窮手業之誨是以不遊大海未覩沃日之奇不仰太山靡觀千霄之狀得驪龍之珍乃驗魚目之非寶聽黃鍾之節方知擊缶之爲細故知釋典幽宗聖凡所尚寔人天之秘寶越儒墨之希聲威振大千光超巨億益覃沙界功逾塵劫弘濟之術其大矣哉但時緣未會感通有殊暨晨林變彩宵夢啓徵創開白馬之基漸被赤鳥之歲聖迹遐感年逾六百道俗蒙益等同一子慨正像侵移汎流末代凡情闇短器識昏迷日有滌醻教沉道喪所以彝章訛替敘淪滑文句浩汗卒難尋覽故於顯慶年中讀一切經隨情逐

帳一

要人堪行者善惡業報錄出一千述篇三十勒成兩帙冀道俗依行傳燈有據敬尋釋典深奧非淺識而所知出俗幽微豈滯惑而能辨良由海大舟輕山高塵眇操刀易割製錦難成不揆庸識妄談秘典輒樹題目更增媿恧矣

三寶部	敬塔部	攝念部
入道部	唄讚部	香燈部
受請部	受齋部	破齋部
富貴部	貧賤部	獎導部
報恩部	放生部	興福部
擇交部	思慎部	六度部
業因部	欲蓋部	四生部
受報部	十惡部	詐偽部
惰慢部	酒肉部	占相部
地獄部	送終部	雜要部

諸經要集卷第一

三寶部第一

敬佛篇第一

此別
緣

普敬述意緣

念十方佛緣

念釋迦佛緣

念彌陀佛緣

念彌勒佛緣

念佛三昧緣

普敬述意緣第一

夫大聖有平等之相弟子有稱揚之德故十
方諸佛同出於淤泥之濁三身正覺俱坐於

帳一

蓮臺之上隨念何相皆得利益所謂始從出
家終成正覺於其中間道樹降魔鹿野說法
相好圓滿光明炳著身色清淨事等鎔金面
貌端嚴猶如滿月齒同珂雪髮似光螺目譬
青蓮眉方翠柳八音響亮万相雍容五眼洞
明六通遙颺懸河寫辯連注投機圓三點以

二

成身具五分而爲體帶權實以度物隨真應
以化人或扇廣大之慈風灑滂沱之法雨能
使身田被潤即吐無上之芽心樹既榮便茂
不凋之葉不來相而來不見相而見爲衆生
故隨緣應現十方十億並願歷侍三千大千
俱得親承長種福田廣興供養吐邪倒之根

拔貪嗔之本修念佛之因感見佛之果矣

如寶性論云三寶有六義故須敬也一者希
有義如世寶物貧窮之人所不能得三寶如
是薄福衆生百千万世不能值遇故名爲寶

二者離垢義如世真實體無瑕穢三寶如是
隨離諸漏故名爲寶三者勢力義如世珍寶
除貧去毒有大勢力三寶如是具不可思議六
神通力故說爲寶四者莊嚴義如世珍寶能
嚴身首令身姝好三寶如是能嚴行人清淨
身故故說爲寶五者最勝義如世珍寶譬諸
物中勝三寶如是一切世中最爲殊勝故名
爲寶六者不改義如世真金燒打磨鍊不能
帳一

三

變改三寶如是不爲世間八法所改故名爲
寶又具六意故須敬也一佛能誨示法是良
藥僧能傳通皆利益於我報恩故敬二末代
惡時傳法不易請威加護故須致敬三爲物
生信稟承故敬四示僧尼敬事儀式故敬五
令樂供養法得久住故敬六爲表勝相故敬

四

成論云三寶最吉祥故我經初置
念十方佛緣第二

如觀佛三昧經云昔過去久遠無量世時有
佛出世號寶威德上王時有比丘與九弟子
往詣佛塔禮拜佛像見一寶像嚴顯可觀禮
已諦視說偈讚歎後時命終悉生東方寶威
德上王佛國大蓮華中結跏趺坐忽然化生
從此已後恒得值佛於諸佛所淨修梵行得
念佛三昧海得三昧已佛爲授記於十方面
各得成佛東方善德佛者則彼師是其九弟
子者作九方佛謂東南方無憂德佛南方栴
檀德佛西南方寶施佛西方無量明佛西北
方花德佛北方相德佛東北方三乘行佛上
方廣衆德佛下方明德佛如是十方佛由因
過去禮塔觀像一偈讚歎今於十方各得成
佛

又觀佛三昧經云昔過去久遠有佛出世號
曰空王入涅槃後有四比丘共爲同學習佛
業當墮惡道空中有聲語比丘言空王如來
雖復涅槃汝之所犯謂無救者汝等今可入
塔觀像與佛在世時等無有異聞空聲已入
塔觀像眉間毫相即作念言如來在世光明
色身與此何異佛大人相願除我罪作是語
已如太山崩五體投地懺悔諸罪由入佛塔
觀像毫相懺悔因緣後八十億阿僧祇劫不
墮惡道生生常見十方諸佛於諸佛所受持
甚深念佛三昧得三昧已爲十方佛現前授
記今悉成佛東方有國名曰妙喜佛号阿闍
即第一比丘是南方有國名曰歡喜佛号寶

四
相耶第二比丘是西方有國名曰極樂佛号
無量壽即第三比丘是北方有國名蓮華莊
嚴佛号微妙聲即第四比丘是以是因緣行
者應當如是願觀佛也

又迦葉經云昔過去久遠阿僧祇劫有佛出
世號曰光明入涅槃後有一菩薩名大精進

年始十六婆羅門種端正無比有一比丘於
白疊上盡佛形像持與精進精進見像心大
歡喜作如是言如來形像妙好乃爾況復佛
身願我未來亦得成就如是妙身言已思念
我若在家此身叵得即啓父母求哀出家父
母答言我今年老唯汝一子汝若出家我等

當死子曰父母若不聽我者我從今日不飲

不食不昇牀坐亦不言說作是誓已一日不
食乃至六日父母知識八万四千諸婦女等
同時悲泣禮大精進尋聽出家既得出家持
像入山取草爲座在盡像前結跏趺坐一心
諦觀此盡像不異如來如來像者非覺非知
一切諸法亦復如是無相離相體性空寂作
是觀已經於日夜成就五通具足無量得無
礙辯得普光三昧具大光明以淨天耳聞佛所說悉能聽
東方阿僧祇佛以淨天耳聞佛所說悉能聽
受滿足七月以智爲食一切諸天散花供養
從山而出來至村落爲人說法二萬衆生發

帳一

五

菩提心無量阿僧祇人住於聲聞緣覺功德
父母親眷皆住不退無上菩提佛告迦葉昔
大精進今我身是由此觀像今得成佛若有
人能學如此觀未來必當成無上道

又觀佛三昧經云昔過去久遠有佛出世號
釋迦牟尼滅度之後有一王子名曰金幢橋

慢邪見不信佛法

有一比丘名定自在語王子言世有佛像衆
寶嚴飾極爲可愛可暫入塔觀佛形像王子
即隨共入塔中見像相好白比丘言佛像端
嚴猶尚如此況佛真身比丘告言汝今見像
不能禮者應當合掌稱南無佛是時王子即
便合掌稱南無佛還宮繫念塔中像故即於
後夜夢見佛像夢已歡喜捨離邪見皈依三
寶由一入塔稱佛善根命終得值九百万億
那由他佛於諸佛所逮得甚深念佛三昧得
三昧故諸佛現前爲其授記從是已來經於
百萬阿僧祇劫不墮惡道乃至今日獲得甚

深首楞嚴定昔王子者今財首菩薩是以是
因緣智者應當如是學念佛也

又法華經偈云

若人散亂心 入於塔廟中 一稱南無佛
皆已成佛道

又譬喻經云昔有國王殺父自立有阿羅漢
知此國王不久命終計其餘命不過七日若
命終後必墮阿鼻地獄一劫受苦此阿羅漢
尋往化之勸教至心稱南無佛七日莫絕臨
去重告慎莫忘此王便叉手一心稱說晝夜
不廢至七日頭便即命終魂神趣向阿鼻地
獄乘前念佛至地獄門知是地獄即便大聲
稱南無佛獄中罪人聞稱佛聲皆共一時稱
南無佛地獄猛火即時化滅一切罪人皆得
解脫出生人中後阿羅漢重爲說法得須陀
洹以是因緣稱佛名號所獲功德無量無邊
不可爲喻

念釋迦佛緣第三

張一

又觀佛三昧經云昔佛在世時佛爲父王及
諸大衆說觀佛三昧經佛有三十二相八十
種好身真金色光明無量時座下有五百釋
子以罪障故見佛色身猶如灰人羸婆羅門
見已號哭自拔頭髮舉身投地鼻中血出佛
安慰曰汝勿號哭吾爲汝說過去有佛名毗
婆尸入涅槃後於像法中有一長者名曰月
德有五百子聰明多智無不貫練其父長者
信敬三寶常爲諸子說佛法義諸子邪見都
無信心後時諸子同遇重病父到兒前泣淚
合掌語諸子言汝等邪見不信佛法今無常
刀切割汝身爲何所怙有佛世尊名毗婆尸
汝可稱名諸子聞已敬父言故稱南無佛復
教稱法及稱僧名稱已命終由稱佛故生四
天王天天壽盡以前邪見還墮地獄獄卒
羅刹以熱鐵叉刺壞其眼受是苦時憶父教
稱念佛因緣從地獄出來生人中貧窮下賤
後式佛出亦得值遇但聞佛名不覩佛形後

隨葉佛拘樓秦佛拘那含佛迦葉佛亦皆聞名不見其形以聞如是六佛名故今得與我同生釋種我身端嚴如闍浮金汝見灰色羸婆羅門皆由前世邪見故爾汝今可稱過去佛名并稱汝父亦稱我名及彌勒佛稱已作禮及向大衆大德衆僧五體投地發露懺悔

帳一

七

行

邪見之罪諸人受教懺悔訖已見佛金色如須彌山見已白佛我今見佛三十二相八十種好無量光明作是語已得須陀洹求佛出家得阿羅漢三明六通具八解脫佛告比丘我滅度後若稱我名南無諸佛所獲福德無量無邊

又大悲經云佛告阿難汝觀如來在路行時能令大地高處令下下處令高高下諸處悉得平正如來過後地輒還復一切樹林傾側向佛樹神現身低頭禮拜如來過後樹輒還復一切丘陵坑坎屏廁臭穢叢林瓦礫皆悉掃除平正清淨馨香芬烈衆華布地如來足

履踏上而過無情諸物尚皆傾側何況有情而不加敬何以故我本修行菩薩行時於一切人所無不傾側謙下禮敬以是善業得成佛已有情無情如來行時無不傾側低頭禮拜我本曾以清淨微妙稱意資產至心自手施諸衆生以是業報如來行時大地平正掃灑清淨又無瓦礫我於無量諸賢聖所在路行時曾與掃治道路泥治房舍我以平等心無高下掃治令淨於一切時常求菩提利益衆生以是善根若佛如來在在處處行來路首自然清淨地平如掌乃至須彌山王高八萬四千由旬在大海中亦深余許及鐵圍山高十六万八千由旬亦是金剛堅固佛涅槃時無不傾側低頭禮敬若欲遠避不傾側者亦無是處

人普曜經云由如來過去心淨離著不害衆生故所行之處腳足不汚虫蟻不損又處處經云如來行時足不著履有三因緣

一使行者少欲二現足下輪相三令人見之歡喜佛行足去地四寸有三因緣一見地有虫蟻故二地有生草故三現神足故亦欲令人意止佛行地高下皆平有三因緣一本行四等心欲令一切安隱地在水上水中有神虫蟻一切值佛足下皆得安隱同心立意是
張一

故卑者爲高高者爲卑二諸天鬼神行平爲佛除地故高下爲平三佛爲菩薩時通利道徑橋梁度人故從是得福故高下平正欲令人意亦尔

又智度論云世尊身好細薄皮相塵土不著身如蓮華葉不受塵水若菩薩在乾土山中經行土不著足隨嵐風來吹破土山令散爲塵乃至一塵不著佛身若菩薩舉食著口中是時咽喉邊兩處流注甘露和合諸味是味清淨故名味中得上味

又增一阿含經云無恭敬心於佛者當生龍蛇中以過去從中來今猶無敬多睡癡也

又四分律說偈云
有敬長老者 是人能護法 現世得名譽
將來生善道

念彌陀佛緣第四

問曰何名淨土答曰世界皎潔目之爲淨即淨所居名之爲土

故攝論云所居之土無於五濁如頗黎柯等名清淨土

法華論云無煩惱衆生住處名爲淨土淨土不同有其四種一法性土以真如爲體故梁攝論云以達華王爲淨土所依譬法界真如爲淨土所依體故二實報土依攝論云以二

九

空爲門三慧爲出入路奢摩他毗鉢舍那爲乘以根本無分別智爲用此皆約報功德辨其出體三事淨土謂上妙七寶是五塵色性聲香味觸爲其土相故攝論云佛周遍光明七寶處也

又華嚴經云諸佛境界相中種種間錯莊嚴

故淨土論云備諸珍寶性具足妙莊嚴
又新翻大菩薩藏經云假使如上世界乃至
大火洞然如來在中若依經行若住坐卧其
處自然八功德水出現於地四化淨土謂佛
所變七寶五塵爲化土體故涅槃經云以佛
神力地皆柔軟無有丘墟土沙礫石乃至猶

如西方無量壽佛極樂世界等

又大莊嚴論云由智自在隨彼所欲能現水

精瑠璃等清淨世界

又維摩經云佛以足指案地現淨等事

又十地經云隨諸衆生心所樂見爲示現故
此諸經論所明並約化爲淨土由佛神力現

故有攝故耶無故名化土

述曰上來雖明土有四種然綱要有二一報
土二化土此二即攝理事二土初報土者謂
佛如來出世諸善體是無漏非三界所攝故
淨土論云觀彼世界相勝過三界道
又智度論云有妙淨土出過三界然佛所居

無處爲處過在十方世界或依法身而安淨
土故論云釋迦牟尼佛更有清淨世界如阿
彌陀國其彌陀佛亦有嚴淨不嚴淨世界如
釋迦佛

又涅槃經云我實不出閻浮提界

又法華經偈云

常在靈鷲山 及餘諸住處 衆生見劫盡
大火所燒時 我此土安隱 天人常充滿
園林諸堂閣 種種寶莊嚴

又華嚴經云如來淨土或在如來寶冠或在
耳璫或在瓔珞或在衣紋或在毛孔如是毛
孔既容世界故知十住論云佛舉一步則過
帳一

恒河沙等三千世界其事如是化土處者但
所居化土無別方處但依報土而起龐相或
通十方或在當界引接三乘人天等衆如彌
陀世尊引此忍界凡小衆生而安淨國或於
穢現淨如按地現淨譬同天宮其事如是或
於衆生由共相器世界間種子所感於中顯

現淨穢境界隨其六道各見不同此皆由外名言熏習因識種成就感得器世界影像相現此影像是本識相分由共相種子與影像相彼現相識爲因緣印此共相由內報增上緣力感得如此苦樂不同

又華嚴經云尔時心王菩薩摩訶薩告諸善

薩言佛子此娑婆世界釋迦牟尼佛刹一劫於安樂世界阿彌陀佛刹爲一日一夜安樂世界一劫於聖服幢世界金剛佛刹爲一日

一夜聖服幢世界一劫於不退轉音聲輪世界善樂光明清淨開敷佛刹爲一日一夜不退轉音聲輪世界一劫於離垢世界法幢佛

刹爲一日一夜離垢世界一劫於善燈世界師子佛刹爲一日一夜善燈世界一劫於善光明世界盧舍那藏佛刹爲一日一夜善光明世界一劫於超出世界法光明清淨開敷蓮華佛刹爲一日一夜超出世界一劫於莊嚴慧世界一切光明佛刹爲一日一夜莊嚴

帳一

土

慧世界一劫於鏡光明世界覺月佛刹爲一日一夜佛子如是次第乃至百方阿僧祇世界最後世界一劫於勝蓮華世界賢首佛刹爲一日一夜普賢菩薩等諸大菩薩充滿其中

又優波提舍論偈云

觀彼世界相 勝過三界道 究竟如虛空廣大無邊際 正道大慈悲 出世善根生

淨光明滿足 如鏡日月輪

述曰如凡夫二乘於穢土中見阿彌陀佛諸菩薩等於淨土中見阿彌陀佛據此二說報土則一向純淨應土則有染有淨故淨土論云土有五種一純淨土唯在佛果二淨穢土謂淨多穢少即八地已上三淨穢平等土謂從初地乃至七地四穢淨土謂穢多淨少即地前性地五雜穢土謂未入性地第五人見後一不見前四第四人見後二不見前三第三見後三不見前二第二人見後四不見

前一第一佛上下五土悉知悉見也

又阿彌陀鼓音聲王陀羅尼經云余時世尊告諸比丘西方安樂世界今現有佛號阿彌陀若有四衆能正受持彼佛名號以此功德臨欲終時阿彌陀佛即與大衆往此人所令其得見見已尋生慶悅倍增功德以是因緣

所生之處永離胞胎穢欲之形純處鮮妙寶蓮華中自然化生具六神通光明赫奕阿彌

陀佛與聲聞俱如來應供正遍知其國號曰清泰聖王所住其城縱廣十千由旬於中充滿刹利之種阿彌陀佛父名月上轉輪聖王其母名曰殊勝妙顏子名月明奉事弟子名無垢稱智慧弟子名曰攬光神足精勤弟子名曰大化今時魔王名曰無勝有提婆達多名曰寂靜

又無量壽經云佛告彌勒假使三千大千世界猛火爲念阿彌陀佛名故要當於中直過未足爲難

又阿彌陀佛經云佛告諸比丘僧是阿闍世王太子及五百長者子却後無數劫皆當作佛如阿彌陀佛佛言是阿闍世王太子及五百長者子住菩薩道已來無央數劫皆各供養四百億佛已今復來供養我阿闍世王太子及五百長者子等皆前世迦葉佛時爲我作弟子今皆復會是等共相值也

念彌勒佛緣第五

如彌勒菩薩所問本願經云阿難白佛言彌勒得法忍久遠乃余何以不速逮無上正真之道成最正覺耶佛語阿難菩薩以四事法不取正覺何等爲四一淨國土二護國土三淨一切四護一切是爲四事彌勒本求佛時以是四事故不取佛語阿難我本求佛時亦有此四然彌勒發意先我之前三十二劫我於其後乃發道意於此賢劫以大精進超越九劫得於無上正真之道致最正覺佛告阿難我以十事致最正覺何等爲十一所有一

切無可愛惜二妻妾三兒子四頭目五手足六國土七珍寶財物八髓腦九血肉十不惜身命我以十事疾得佛道

問曰凡夫道俗身居欲界行何善業得生同界兜率天報

答曰如未曾有經云下品十善謂一念頃中

帳一十三

品十善謂一食頃上品十善謂從旦至午於此時中心念十善止於十惡亦得往生故野干心念十善七日不食生兜率天

又上生經云我滅度後四衆八部欲生第四天當於一日至第七日繫念彼天持佛禁戒思念十善道以此功德迴向願生彌勒佛前隨念往生

言七日者亦從近說尚感彼天何況一生而不剋獲

又上生經云若有禮敬彌勒佛者除却百億劫生死之罪乃至來世龍華樹下亦得見佛

又云我滅度後四衆八部聞名禮拜命終往生兜率天中若有男女犯諸禁戒造衆惡業聞是菩薩大悲名字五體投地誠心懺悔一

切惡業速得清淨若有歸依彌勒菩薩當知是人得不退轉彌勒成佛見佛光明即得受記又上生經云佛滅度後若有精勤修諸功德威儀不缺掃塔塗地華香供養行諸三昧讀誦經典如是人等雖不斷結如得六通應當繫念念佛形像稱彌勒名若一念頃受八戒齋修諸淨業命終之時即得往生兜率天上蓮華臺中應時見佛白毫相光超越九十九億劫生死之罪隨其宿緣爲說妙法令得不退又增一經云衆生三業造惡臨終憶念如來功德者必離惡道趣得生天上正使極惡之人以念佛故亦得生天

又大集經云若修慈者當捨身命時見十方佛手摩其頂蒙手觸故心安快樂尋得往生清淨佛土

又普賢觀經云若有晝夜六時禮十方佛誦大乘經思第一義甚深空法於一彈指頃除百万億那由他恒河沙劫生死之罪行此法

者真是佛子從諸佛生十方諸佛及諸菩薩

爲其和尚是名具足菩薩戒者不須羯磨自然成就應受一切人天供養

又法華經云若有人受持讀誦正憶念解其義趣是人命終爲千佛授手令不恐怖不墮惡道即往兜率天上彌勒菩薩所彌勒菩薩

帳一

古

有三十二相大菩薩衆所共圍遶有百千万億天女眷屬而於中生有如是等功德利益是故智者應當一心自書若使人書受持讀誦正憶念如說修行

又智度論云若善男子能行是深般若波羅蜜者當知是人人道中來或兜率天來所以

者何三惡道中罪苦多故不得行深般若欲界諸天著淨妙五欲是心則狂惑故不能行色界天等深著禪定味故不能行無色界天無形故故不能行以兜率天上常有一生補處菩薩彼中諸天常聞說般若五欲雖多法力勝故是故說二處勝若從他佛國來生此

間斯則轉勝也

又處胎經佛告彌勒偈云

汝所三會人 是吾先所化 九十六億人受吾五戒者 次是三歸人 九十二億者一稱南無佛 皆得成佛道

又處處經云佛言彌勒不來下有四因緣一

有時福應彼間二是此間人鹿無能受經者三功德未滿四世間有能說經者故彌勒不下若當來下餘有五十億七千六十萬歲彌勒時人眼皆見四千里由本十種因緣得一不掩人眼明二不損人眼三不覆人眼四不藏人善五不視殺六不視盜七不視姪八不

帳一

主

視陰私及人短九諸惡事不視十然燈於佛寺又佛說彌勒來時經云佛言彌勒佛未出時間浮利內地山樹草木皆焦盡於今閻浮利地周而六十万里彌勒出時間浮利地東西長四十万里南北廣三十二万里地生五果四海之內無山陵溪谷地平如砥樹木長

大人少三毒民多聚落城名汜羅那夷有一婆羅門名須凡當爲彌勒作父母名摩訶越題彌勒當爲作子相好具足身長十六丈生墮城地目徹視万里內頭中日光照四千里彌勒得道爲佛時於龍華樹下坐樹高三十九里廣亦四十里

龍華樹亦有別傳云子從龍

大成佛經花枝如龍頭故名

用四月八日明星出時得道彌勒佛却後六

十億殘六十萬歲始當來下生

自外大同成佛經說

王玄策西國行傳云大唐顯慶二年勑使王玄策等往西國送佛袈裟至泥婆羅國西南至頗羅度來村東坎下有一水火池若將家火照之其水上即有火燄於水中出欲滅以水沃之其燄轉熾漢使等曾於中架一釜煮飯熟使問彼國王國王答使人云曾經以杖刺著一金匱令人挽出一挽一深相傳云此是彌勒佛當來成道天冠令火龍防守之此池火乃是龍火也

官龍華樹也

又智度論云彌勒菩薩爲白衣時師名婆跋黎有三種相一眉間白毫相二舌覆面相三陰藏相如是等非是菩薩時亦皆有此相也又新婆沙論云曾聞尊者大迦葉波入王舍城最後乞食食已未久登雞足山山有三峯如仰雞足尊者入中結跏趺坐作誠言曰願我此身并納鉢杖久住不壞乃至經於五十七俱胝六十百千歲慈氏如來應正等覺出現世時施作佛事發此願已尋般涅槃時彼三峯便合成一掩蔽尊者儼然而住及慈氏佛出現世時將無量人天至此山上告諸衆曰汝等見是釋迦牟尼佛杜多功德弟子衆

帳一

十六

中第一大弟子迦葉波不舉衆咸曰我等欲見慈氏如來即以右手撫雞足山頂應時峯坼還爲三分時迦葉波將納鉢杖從中而出上昇虛空無量天人覩斯神變歎未曾有其心調柔慈氏世尊如應說法皆得見諦若無留化如此之事云何有耶有說有留化事問

若爾世尊何故不留化身至涅槃後任持說法答所應作者已究竟故謂佛所應度皆已度訖所未度者聖弟子度之有說無留化事問若爾迦葉波事云何得有答諸信敬天神所任持故有說迦葉波爾時未般涅槃慈氏

佛時方取滅度此不應理寧可說無不說彼默多時虛住如是說者有留化事是故大迦葉波已入涅槃

惟凡夫力弱習惡來多以住娑婆其心怯弱初學是法恐畏退敗常發大願扶持此行乃至命終心無障惱隨種善根願共含識自在往生彌勒內衆得至佛前隨念修學證不退轉不願往生於外衆中恐著五欲不得解脫故智度論云有人修少福業聞有福處當願往生乃至命終各生其中

又大莊嚴論云佛國事大獨行功德不能成就要須願力如牛雖力挽車要須御者能有所至淨佛國土由願引成以願力故福德增

帳一

七

長不失不壞常見佛故又如十住論云若人發心求佛不休不息有人以指舉大千世界在空却住不足爲難若發願言我當作佛是人希有何以故世人心劣無大志故

又發菩提心論有十大願常悉修行一者願我先世及以今身所種善根施與一切衆生迴向佛道令我此願念念增長世世所生終不忘失常爲陀羅尼之所守護二者願我以此善根生處值佛常得供養不生無佛國中三者願我親近諸佛隨侍左右如影隨形四者願我既得親近爲我說法成就五通五者願我通達世諦假名流布解第一義得正法智六者願我以無狀心爲衆生說示教利喜皆令開解七者願我以佛神力遍至十方一切世界供養諸佛聽受正法廣攝衆生八者願我隨順清淨法輪一切衆生聽我法者聞我名者即得捨離一切煩惱九者願我隨逐

衆生將護與樂捨身命財荷負正法除無利益十者願我雖行正法心無所行亦無不行

爲化衆生不捨正願願我以此十大誓願遍

衆生界攝受一切恒沙諸願若衆生界有盡

我願乃盡然衆生界不可盡故我此大願亦不可盡廣度衆生無邊法界所修善根皆悉

迴向無上正覺生彌勒佛前聞清淨法悟無

生忍但行住坐卧一生已來所修善根並共

法界衆生迴向彌勒佛前速成不退自外修觀行

見佛方法此中直出經文令示往生

玄奘法師云

西方道俗並作彌勒業爲同欲界其行易成

大小乘師皆許此法彌陀淨土恐凡鄙穢修行難成如舊經論十地已上菩薩隨分見報佛淨土依新論意三地菩薩始可得見報佛淨土豈容下品凡夫耶得往生此是別時之意未可爲定所以西方大乘許小乘不許故法師一生已來常作彌勒業臨命終時發願

一帳

十八

故華嚴經偈云

上生見彌勒佛請大衆同時說偈云
南無彌勒如來 應正等覺 願與含識
速奉慈顏
南無彌勒如來 所居內衆 願捨命已
必生其中 南無彌勒如來願隨慈氏下閻
浮提龍華會中同得受記

念佛三昧緣第六

惟凡夫倒想隨情妄執六賊交侵五道旋轉
業繩相係苦報難出所以大聖慈愍垂機引
接故舉淨土之妙國勸觀如來之勝相令翹
注不懈欣心敬慕俯仰合觀隨心廣略庶令
悟之善惡則隨心向背成之業種則見佛可
期臨終喜躍隨念受生若不預修此福無常
忽至周憚惶怖心路蒼茫淨業既空莫知投
寄眼光失落依業受殃是故造罪造福雖復
同營一種爲身不如修善修善見佛造惡獲
殃也

寧受一切苦 得聞佛音聲 不受一切樂
而不聞佛名 所以無量劫 受此諸煩惱
流轉生死中 不聞佛名故

又無量壽經云佛告彌勒菩薩假使大千世
界滿中猛火爲聞阿彌陀佛名故要當於中
直過未足爲難

帳一

九

又觀佛三昧經云尔時彌勒菩薩白佛言世
尊唯願世尊大慈大悲憐愍一切未來世中
多有衆生造不善業佛不現在何所依怙得
除罪咎佛告彌勒如來滅後多有衆生以不
見佛作諸惡業如是人等當今觀像若觀像
者與觀我身等無有異說是語時空中十方
諸佛讚言善哉今正是時慎勿疑慮

佛告彌勒如來今者爲未來世五苦衆生犯
禁比丘不善惡人五逆誹謗行十六種惡律

儀者爲如是等說除罪法

余時阿難白佛云何如來說除罪法佛告阿
難如我在世汝依我者名汝依佛名汝依法

名汝依僧觀佛像者先入佛塔以好香泥及
諸淨土塗地令淨隨其力能燒香散華供養
佛像說已過惡禮佛懺悔如是伏心經一七
日復至衆中塗掃僧地除諸糞穢向僧懺悔
禮衆僧足復經七日如是供養心不疲厭若
出家人應誦毗尼極令通利若在家人孝養
父母恭敬師長調心令軟心若不軟當強折
伏令心調順自住靜處燒衆名香禮釋迦文
佛而作是言南無大德我大和上應正遍知
大悲世尊願以慈聖覆護弟子作是語已五
體投地泣淚像前從地而起齊整衣服結跏
趺坐繫念一處隨前衆生繫心鼻端繫心額
上繫心足指如是種種隨意繫念專置一處
勿令馳散使心動搖心若動搖舉舌拄齶閉
口閉目叉手端坐一日至七日令身安隱身
安隱已然後想像

若樂逆觀者從像足指次第仰觀初觀足指
繫心專緣佛足五指經一七日閉目開目令

其了了見金像指次觀足兩趺上令了了見次觀脣已次第至髻從髻觀面若不明了復更懺悔倍自苦策以戒淨故見佛像面如真金鏡了了分明作是觀已觀眉間毫相如頗梨珠右旋宛轉此相見時見佛眉眼如天畫師之所畫作見是事已次觀頂光令分明白了

帳一

千

如是衆相名爲逆觀若樂順觀者從佛頂上諸妙螺紋猶如黑絲右旋宛轉次觀佛面觀佛面已具足觀身漸下至足如是往返凡十四遍諦觀一像極令了了觀一成已出定入定恒見立像在行者前見一了了復想二像已次想三像乃至想十皆令了了見十像已想一室內滿中佛像間無空缺滿一室已復更精進燒香散花掃塔塗地潔浴衆僧供養師僧父母等已發大誓願我今觀佛以此功德不願人天聲聞緣覺正欲專求佛菩提道發是願已至求大乘當行懺悔勸請諸佛隨喜迴向正身端坐繫念在前觀佛境界令漸

廣大一僧坊中滿中佛像金身丈六足下蓮華圓光一尋及通身光及衆化佛并佛侍者光明衆色皆令了了了一僧坊已復廣一頃百頃遠滿百由旬見一切像相好炳然此像成已想一間浮提滿中佛像餘三天下亦皆遍滿身心歡喜倍加精進頂戴恭敬十二部經般若波羅蜜前五體投地誠心懺悔念想成已閉目叉手端坐正受更作遠想滿十方界見一切像身純金色舉身毛孔皆放光明一光明百億寶色一一色中無量雜色微妙境界悉自涌出此念想成名觀立像作是觀者除却六十億劫生死之罪亦名見佛於未來世值賢劫千佛爲其和尚於佛法中次第出家聞佛說法憶持不忘於星宿劫光明佛所現前受記鹿心觀像尚得如是無量功德況復繫念觀佛眉間白毫相光余時世尊復爲衆生說坐像法想像令坐寶華衆像坐時大地自然出大白光如琉璃色白淨可愛衆

帳一

十一

白光間百億菩薩白如雪山想像毛孔出一
一善薩身毛孔中出金色光其光大盛照十
方界皆作金色若有衆生觀像坐者除五百
億劫生死之罪未來值遇賢劫千佛於星宿
劫中值遇諸佛數滿十方一一佛所受持佛
語身心安隱終不謬亂一一世尊現前受記
過筭數劫得成爲佛尔時世尊告阿難言若
有衆生觀佛坐已當觀像行觀像行者見十
方界滿中像行虛空及地見一一像從座而
起一一像起時五百億寶華一一華中有無
數光一一光中無數化佛隨心想現一一化
佛放金色光照行者身是時行者入定之時

自見己身三十六物惡露不淨不淨現時當
疾除滅此不淨觀從貪愛生虛偽不實用此
觀時爲使諸不淨變爲白玉自見己身如白
玉瓶內外俱空作是觀時宜服酥藥勿使身
虛請諸行像以手摩頭放大光明照我己身
是時行者自見己身如黃金色此想成己出
定歡喜禮敬諸佛修諸功德迴向菩提尔時
諸佛異口同音各各皆爲行者說法雖未得
道見佛聞法摠持不失此名凡夫念佛三昧
得此三昧於剎那頃恒見諸佛所說大乘一
日一夜即得通利一一諸佛皆說汝言汝念
佛故過星宿劫得成爲佛身相光明與我無
異說是語已八十億佛一時放光光中無量
化佛皆說是語佛告阿難此念佛三昧若成
就者有五因緣何等爲五一持戒不犯二不
起邪見三不生憍慢四不恚不嫉五勇猛精
進如救頭然行此五事正念諸佛令心不退
當供養十方諸佛云何供養是人出定入塔

帳一

廿三

念已復當起想我所執華從草木生持此供養可見擬想即當作念想身諸毛孔令一毛孔出無數華雲無數香煙香雲遍於十方界施作佛事還成金臺住行者前

若凡夫人欲供養者手擎香爐執華供養當發是願願此華香滿十方界供養一切佛化佛并菩薩無數聲聞衆受此香華雲以爲光明臺廣於無邊界無邊作佛事一一毛孔流岀幢幡無量音樂名衣上服百種飲食諸雜供養並同前法佛告阿難未來衆生其有得是念佛三昧者當教是人密身口意莫起邪見莫生貢高若起邪命及貢高法當知此人是增上慢破滅佛法多使衆生起不善心亂和合僧顯異惑衆是惡魔伴如是惡人雖復念佛失甘露味此人生處以貢高故身恒卑小生下幾家貧窮諸衰無量惡業以爲嚴飾如此種種衆多惡事當自防護今求不生領曰

法身無像至教無言隨機應現緣念流傳
愍茲沉溺弘斯妙門器識相感實濟重唇
八功德水七寶行樹祥島遊池清音流布
法鼓和鳴休風引路躬奉微言仰規玄度
赫哉兜率邈矣慈尊光流天廟威震黎元
仙華飄颻寶殿雲屯薦之福祚功洽梵龕
彙征彼寄願言非負既靜夢塵還資情有
書之傳之天長地久文而或虧誓心何朽

諸經要集卷第一

帳一

舊許六沃日上烏靡覩下西彼反見也缶九方反瓦覃徒南反暨其器反慨苦愛反泓流音

綠螺澆醜上古堯反下音彝音夷訛誤也反和反淪潈下息徐反淪眇美小操七刀反揆瞿癸也反尼六反唄讚敗音炳著上音丙明也下知慮反立也

珂雪上苦角反螺響亮下力向搖颺向反瑕加上戶色白如雪毛布也逮音代羸動也

穢加反殊好朱反白麤毛布也逮音代羸動也怙音戶倚也屏廁音井下初瓦碟也牒音井下初瓦碟也蹠導音垂

也隨嵐舍反柯音支也耳璫耳節也反乘亦
溪谷上音砥音旨摩石細平也泥羅上詳里
人名反金鼎音父金匱下求位挽牽音晚俱眠
此云百億劫反下相係織下音翹巨搖柱膀上
音若反面臍反疊文螺邈眉角祚才故梵瓧彙譜

諸經要集卷第二

西明寺沙門道世玄憲撰

敬法篇第二此有八緣
敬僧篇第三

迷意緣 說法緣 聽法緣
漸頓緣 感福緣 報恩緣

迷意緣第一

蓋聞寂滅不動是則無像無言感而遂通所以有名有教是以一四之句難聞三千之火易入庶使凝寒靜夜朗月長宵獨處空閑吟誦經典吐納宮商文字分明言味流美詞韻

帳三

夫法師昇座先須禮敬三寶自淨其心觀時擇人具慈悲意救生利物然後爲說故報恩經云聽者坐說者立不應爲說若聽者求說者過不應爲說若聽者依人不依法依字不依義依不了義經不依了義經依識不依智並不應爲說何以故是人不能恭敬諸佛善利益無量

說法緣第二